



Modalen kontrollutval

Møteprotokoll med saksframlegg

Møtedato: 20. mai 2020 kl. 09.30 – 13.15
Stad: Fjernmøte via Microsoft Teams
Tilstade: Tom Kristian Thorsen (leiar), Ove Eidsnes (nestleiar), Sigrunn Almelid Birkeland (medlem), Bjørn Helge Venås (medlem) og Hallgeir Neset (medlem)
Forfall:
Innkalla: Ordførar Kjetil Eikefet, rådmann Jo Tømmerbakke, økonomisjef Magne Verpelstad (til sak 21/20)
Revisor: Revisjonsjef Janne Eraker og forvaltningsrevisjon Ragnhild K. Høyland, Nordhordland Revisjon IKS
Sekretær: Tonje Husum Aarland, Nordhordland Utviklingsselskap IKS (NUI)

17/20 Godkjenning av innkalling og sakliste

Saksopplysingar:

Innkalling og sakliste vert lagt fram til godkjenning.

Framlegg til vedtak:

Innkalling og sakliste er godkjent.

Behandling i møte:

Samrøystes vedtak:

Innkalling og sakliste til fjernmøte 20.05.2020 er godkjent.

18/20 Godkjenning av møteprotokoll frå sist møte 27.01.2020

Saksvedlegg:

Møteprotokoll frå Modalen kontrollutval, 27.01.2020 (vedlegg 1)



Saksopplysingar:

Møteprotokollen frå førre møtet vert lagt fram til godkjenning.

Framlegg til vedtak:

Møteprotokollen frå møtet 27.01.2020 er godkjent.

Behandling i møte:

Samrøystes vedtak:

Møteprotokoll frå møtet 27.01.2020 er godkjent.

19/20 Skriv og meldingar

a. Melding om midl. forskrift og lov

Saksopplysingar:

a. Unntakssituasjonen med Covid-19 og tiltaka som har vore sett i verk for å unngå smittespreiing gjer at samfunnet har måtte tilpasse seg ein ny kvardag og andre måtar å jobbe på. 13. mars kom ein midlertidig forskrift om gjennomføring av fjernmøter i folkevalgte organ, jf. <https://lovdata.no/dokument/SF/forskrift/2020-03-13-277>.

Frå 17. april gjeldt midlertidig lov om unntak frå kommuneloven, IKS-loven og partiloven (Covid-19-tiltak), jf. [https://lovdata.no/dokument/NL/lov/2020-04-17-27?q=midlertidig lov covid-19](https://lovdata.no/dokument/NL/lov/2020-04-17-27?q=midlertidig%20lov%20covid-19). Denne gjev mellom anna utvida fristar for rekneskapsrevisor og vedtak om årsrekneskapen og årsmelding, og gjev revisor moglegheit til å levere revisjonsmelding fram t.o.m. 15. juni, jf. § 5. Kommunestyret må vedta årsrekneskapa og årsmeldingane for 2019 seinast innan 15. september.

Framlegg til vedtak:

Kontrollutvalet tek skriv og meldingar til orientering.



Behandling i møte:

Kontrollutvalssekretær orienterte kort om midlertidig lov og forskrift, og særleg om relevante endringar for kontrollutvalet.

Samrøystes vedtak:

Kontrollutvalet tek skriv og meldingar til orientering.

20/20 Orientering - aktuelt i Modalen kommune

Saksopplysingar:

Rådmann er beden om å gje ei orientering om aktuelle saker i Modalen kommune, og særskilt om den kommunale kriseleiinga og om pågåande investeringsprosjekt.

Framlegg til vedtak:

Kontrollutvalet tek informasjonen til orientering.

Behandling i møte:

Rådmann Jo Tømmerbakke og ordførar Kjetil Eikefet orienterte om unntakssituasjonen med Covid-19 og kommunal kriseleiing, og peika mellom anna på;

- Har vore jamlege møte kvar veke i kommunal kriseleiing, og nokre møter før unntakstiltaka starta.
- Har følgd dei nasjonale krava og retningslinjer, i tillegg til eit lokalt vedtak som varte i 14 dagar om karantene for studentar og elevar som bur i anna kommune.
- Testkapasiteten har vore god i kommunen og det har vore moglegheit til å teste større grupper enn elles i landet. Alle tester (om lag 30) har vore negative.
- Vore utfordrande å sitte i kriseleiing over lang tid, men samarbeidet har fungert godt.
- Jobba mykje med kontinuitetsplanlegging, mtp. bemanning ved karantene og sjukdom, og mykje med smittevernplanlegging.
- Modalen kommune gjennomfører gradvis opning i likheit med resten av landet, og opna opp barnehage og skule så snart dette vart aktuelt.
- Kommuneadministrasjonen har hatt heimekontor og det har vore rullering etter grupper for kven som har vore på kontoret samtidig. Meir til normalen no, men med moglegheit for heimekontor for dei som har behov for det.
- Det har vore ein annleis situasjon med mykje avlysingar av interkommunale møter og fokus på beredskap.



- Utvida kriseleiing til dei leiarane som vanlegves har vore vara, for å styrke samarbeidet og involvere alle leiarane i prosessene.
- Samarbeidet i kriseleiinga har fungert godt og ein har halde fokus sjølv i ein langvarig og utfordrande situasjon.
- Ordførar har hatt jamleg kommunikasjon med formannskap og kommunestyremedlem for ha løpande oppdatering.

Det vart vidare orientert om kraftinntekter, og om investeringsprosjektet om nytt kommunehus og anbudsprosessen som ein er i, og orienterte mellom anna om;

- Anboda som har kome inn og differansen mellom dei ulike tilboda
- Oppdraget om riving og bygging
- Tilboda er evaluert og vurdert, og alle er kvalifiserte
- Administrasjonen har klart ein innstilling til formannskapet og saka vert handsama i formannskap og kommunestyret.
- Rapport frå byggtilsyn frå Mobryggja bør sjåast i samanheng med byggeprosjektet, og gjev tilleggskostnader
- Det føreligg ein intensjonsavtale med Uni Micro som mogleg leigetakar, med varigheit på minimum 5 år
- Administrasjonen undersøker finansieringsmodeller
- Ordførar har rådført med KS-advokatene om gildskap mtp. Uni Micro som eventuelt leigetakar, og har fått beskjed om at han etter lovkrava er gild i saka. Kommunestyret avgjer dette i møtet.

Samrøystes vedtak:

Kontrollutvalet tek informasjonen til orientering.

21/20 Årsmelding og rekneskap Modalen kommune 2019

Saksvedlegg:

Årsrekneskap 2019, Modalen kommune

Årsmelding 2019, Modalen kommune

Revisjonsmelding 2019, 22.04.2020

Revisjonsrapport 2019, 22.04.2020, nr. 15

Saksopplysingar:

Kontrollutvalet skal etter kommunelova § 23-2 a) sjå til at kommunen sitt rekneskap vert revidert på ein betryggande måte. Revisor sine oppgåver ved rekneskapsrevisjon vert omtala



nærare i kommunelova kapittel 24, og seier mellom anna at revisor skal vurdere om årsrekneskapet er avlagt i samsvar med lov og forskrift.

Etter forskrift om kontrollutvalg og revisjon, skal kontrollutvalet uttale seg til kommunestyret om årsrekneskapen og årsmeldinga før formannskapet innstiller til vedtak. Kontrollutvalet skal vidare påsjå at dei punkta rekneskapsrevisor peikar på vert retta eller følgt opp, jf. § 3. Frist for å levere revisjonsmelding er etter kommunelova 15. april, men i lov om midlertidige unntak frå bla. Kommunelova er denne fristen utsett til 15. juni, jf. § 5.

Modalen kommune er medeigar av Nordhordland Revisjon IKS som har revidert og levert revisjonsmelding og revisjonsrapport for 2019.

Framlegg til uttale vert sendt til kontrollutvalet for intern gjennomgang. Den vedtekne uttalen vil komme fram av endeleg vedtak i kontrollutvalet og vert vidaresendt til formannskapet og kommunestyret.

Administrasjonen vil i møtet legge fram årsrekneskapen og årsmeldinga for 2019 og revisjonen gjennomgår sine merknader frå revisjonsmeldinga og revisjonsrapporten.

Framlegg til vedtak:

Kontrollutvalet vedtek framlegg til uttale.

Behandling i møte:

Rådmann Jo Tømmerbakke og økonomisjef Magne Verpelstad orienterte om årsrekneskapen og årsmeldinga for 2019 og peika mellom anna på nøkkeltala i drift og investering, avvika frå budsjett, lønnsutgiftene, lånegjelden, og utviklinga dei siste åra. Snittresultatet i 5 års perioden er høgare enn resultatet i 2019, men resultatet er på veg opp att etter eit negativt år i 2018. Prognosen framover er positiv, men det er fleire ting som påverker dette, som eigedomsskatt og kraftinntekter.

Revisjonssjef Janne Eraker orienterte om revisjonsmeldinga og kommentarane i revisjonsrapport nr. 15.

Samrøystes vedtak:

Kontrollutvalet har handsama årsrekneskapen for Modalen kommune for 2019. Saman med årsrekneskapen låg føre årsmeldinga frå rådmannen, samt revisjonsmelding for 2019 og revisjonsrapport nr. 15.

Med tilvising til det som her er nemnd gjev kontrollutvalet slik uttale til kommunestyret om Modalen kommune sin årsrekneskap for 2019:



Kommentarar til årsrekneskapen og årsmeldinga

Kontrollutvalet meiner at presentasjon av årsrekneskapen med tilhøyrande spesifikasjonar og notar i saman med årsmeldinga, tilfredsstiller brukarane sitt informasjonsbehov. Årsmeldinga og årsrekneskapen er ryddig og gjev god informasjon om kommunen sine tenester.

Kontrollutvalet vil peike på følgjande:

- Økonomisk resultat
Rekneskapen for 2019 syner eit rekneskapsmessig mindreforbruk på kr 910 198. For å ha ein sunn økonomi, er det i kommunesektoren tilrådd at netto driftsresultat bør vere på minimum 1,75 %. I Modalen er dette høgare med om lag 3,8 %, og 1,8 % om ein nyttar korrigerert netto driftsresultat. Utanom nedgangen i 2018, har kommunen lenge hatt eit godt driftsresultat, noko som er viktig for å kunne ha tilstrekkeleg økonomisk handlefridom.
- Avvik i høve budsjett – skjema 1A og 1B (drift)
I forskrift om årsrekneskap og årsmelding § 10 er det eit krav at vesentlege avvik i utgifter i høve til budsjett skal gjerast greie for. Avvika mellom justert budsjett og rekneskap er nærare omtala i årsmeldinga s. 21 - 23.
- Avvik i høve budsjett – skjema 2A og 2B (investeringar)
I investeringsrekneskapen er det avvik i høve justert budsjett. Samla investering i anleggsmidlar vart 7 mill. kr, og investeringsrekneskapen er avslutta/saldert i balanse. Investeringsrekneskapen er nærare omtala i årsmeldinga s. 23 - 24.
- Omtale av likestilling og etikk i årsmelding
Kommuneloven § 48 nr 5 seier at årsmeldinga skal gjere greie for den faktiske tilstanden for likestilling i kommunen, arbeidet med å sikre betryggande kontroll og høg etisk standard. Desse områda er omtala i årsmeldinga s. 7.

Revisjon

Kontrollutvalet er kjend med midlertidig utvida frist for levering av revisjonsmelding grunna unntakssituasjonen med Covid-19, og takkar for at denne er klar til handsaming etter kontrollutvalet sin planlagde møteplan.

Nordhordland Revisjon IKS har konkludert med at årsrekneskapen er gitt i samsvar med lov og forskrifter og gir i det alt vesentlege ei dekkande framstilling av den finansielle stillinga til kommunen er 31. desember 2019, og av resultatet for rekneskapsåret som vart avslutta per denne datoen, i samsvar med lov, forskrift og god kommunal rekneskapskikk i Noreg.

Revisjonen av årsrekneskapen er tilfredsstillande utført etter kontrollutvalet si vurdering. Revisjonen er gjennomført i samsvar med lov, forskrift og god kommunal revisjonskikk i Noreg, medrekna dei internasjonale revisjonsstandardane (ISA-ane). Det er også gjennomført interimrevisjon gjennom året, og på utvalde rekneskapsområde er det gjennomført stikkprøver og kontrollar. Kontrollutvalet handsama interimrapportering for 2019 i sak 10/20 den 27.01.2020.

Revisjonsrapport nr. 15 gir ei oppsummering av feil og manglar revisjonen har avdekket som ikkje er å sjå på som vesentlege for rekneskapen som heilskap, men som er kommentert for å gi utfyllande informasjon om resultatet av revisjonsgjennomgangen.



I revisjonsrapport nr. 15 for Modalen kommune 2019 er det kommentert for tilhøve vedkomande:

- Interimsrevisjon gjennom året
- Meirverdiavgift og kompensasjon av meirverdiavgift
Fordring på skatteetaten i samband med kode for mva og meirverdiavgift knytt til utbetringar ved brannstasjonen.
- Uteståande krav og avdrag lån
Innkrevjingsrutinar med fast purring og oppfølging av avdrag.
- Sjølvkost
Utrekningar etter forskrift.

Oppfølging

Kontrollutvalet viser elles til det som går fram av revisjonsmeldinga og revisjonsrapport nr. 15, og vil i løpet av 2020 følgje opp revisor sine kommentarar og merknader.

Utover dette og det som går fram av revisjonsmelding til rekneskapen og revisjonsrapport nr. 15, har kontrollutvalet ingen merknader til årsmeldinga og årsrekneskapen for Modalen kommune for 2019.

22/20 Forvaltingsrevisjonsrapport: PPT og spesialundervisning

Saksvedlegg:

Rapport frå forvaltningsrevisjon: PPT og spesialundervisning, Modalen kommune

Saksopplysingar:

Kontrollutvalet bestilte i sak 13/18 forvaltningsrevisjonsprosjektet «PPT og spesialundervisning», jamfør vedteke plan for forvaltningsrevisjon for 2016 – 2020. Forvaltningsrevisjonsprosjektet har hatt som føremål å undersøkje tilhøva kring PPT og spesialundervisning i Modalen kommune.

Problemstillingane har vore:

- 1. Korleis er samarbeidet mellom skule og PPT lagt opp, både knytt til enkeltsakar og knytt til kompetanse- og organisasjonsutvikling?*
- 2. Kva rutinar har kommunen for å kartleggje og vurdere om elevar får tilfredsstillande utbyte av opplæringa?*
- 3. Fattar kommunen formelt korrekte enkeltvedtak, og utarbeider kommunen dei dokument som opplæringslova og barnehagelova krev?*



4. Vert spesialundervisning gjennomført i tråd med lovkrav, enkeltvedtak og individuell opplæringsplan?

Prosjektet er utført i samsvar med RSK 001 Standard for forvaltningsrevisjon (NKRF 2011). Det er utarbeida revisjonskriterium til problemstillingane ut frå gjeldande lovkrav og andre autorative kjelder. Revisjonen har gjennomført dokumentanalyse med saksgjennomgang, intervju med aktuelle tilsette og ei anonym spørjeundersøking, som dannar grunnlaget for vurderingane og tilrådingane. Rapporten har vore på høyring til administrasjonen, og høyringsuttale med kommentarar er lagt ved rapporten.

Revisjonen rår til at Modalen kommune:

- *etablerer samarbeidsforum mellom kommunane for å klargjere prioriteringar og ynskje for det organisasjons- og kompetanseutviklande arbeidet i samsvar med intensjonen i avtalen*
- *vurderer å etablere forum for å drøfte kartleggingsresultat og analysar med PP-tenesta slik at ein saman kan arbeide målretta med eventuelle forbetningsområde gjennom tilpassing av PP-tenesta sitt arbeid med kompetanse- og organisasjonsutvikling*
- *gjennomgår og supplerer skriftlege rutinar slik at dei er oppdaterte og dekkande i høve til gjeldande praksis*
- *vurderer å nytte Utdanningsdirektoratet sine malar for både spesialpedagogisk hjelp og spesialundervisning for å sikre at vedtaka er fullstendige i høve til dei obligatoriske elementa*
- *ein tar inn konkret informasjon kring alle dei obligatoriske elementa i sjølve vedtaket*
- *saman med PP-tenesta vurderer etablert praksis og eventuelt definerer retningslinjer for omstende der sakkunning vurdering skal rullerast, og maksimal varigheit.*

Nordhordland Revisjon IKS vil presentere rapporten for kontrollutvalet i møtet, og administrasjonen vil delta i saka.

Framlegg til vedtak:

Kontrollutvalet sluttar seg til revisjonen sine konklusjonar og tilrådingar i forvaltningsrevisjonsrapporten om PPT og spesialundervisning i Modalen kommune.

Kontrollutvalet innstiller til vedtak i kommunestyret om å be administrasjonen følge opp tilrådingane i rapporten, og gje ein skriftleg tilbakemelding til kontrollutvalet om oppfølginga av tilrådingar innan 1. november 2020.



Behandling i møte:

Forvaltningsrevisor Ragnhild K. Høyland orienterte om forvaltningsrevisjonsprosjektet innan PPT og spesialundervisning, og peika på problemstillingane, datainnsamlinga, konklusjonar og tilrådingane som kjem fram av forvaltningsrevisjonsrapporten.

Rådmann Jo Tømmerbakke var med i saka og svarte på spørsmål, og orienterte mellom anna om;

- rutineane kring sakkyndig vurdering, vedtak og klagerett
- samarbeidet med revisjonen og revisjonsrapporten
- oppfølging av tilrådingane i 2020; nokre er ein allereie i gang med å følgje opp, og andre krev noko meir planlegging.

Samrøystes vedtak:

Kontrollutvalet sluttar seg til revisjonen sine konklusjonar og tilrådingar i forvaltningsrevisjonsrapporten om PPT og spesialundervisning i Modalen kommune.

Kontrollutvalet innstiller til kommunestyret om å be administrasjonen følgje opp tilrådingane i rapporten, og gje ein skriftleg tilbakemelding til kontrollutvalet om oppfølginga av tilrådingar innan 1. november 2020.

Framlegg til vedtak i kommunestyret:

Kommunestyret sluttar seg til revisjonen sine konklusjonar og tilrådingar.

Kommunestyret ber rådmann følgje opp tilrådingane i rapporten, og gje ein skriftleg tilbakemelding til kontrollutvalet om oppfølginga av tilrådingane innan 1. november 2020.

23/20 Prosjektplan for risiko- og vesentlegvurdering

Saksvedlegg:

Framlegg til prosjektplan for risiko- og vesentlegvurdering, NHR/NUI

Saksopplysingar:

Kontrollutvalet skal seinast innan utgangen av året utarbeide ein plan som viser på kva områder det skal gjennomførast forvaltningsrevisjoner. Planen skal baserast på ein risiko- og vesentlegvurdering av kommunen si verksemd, samt kommunen sine



eigarskap, jf. kommunelova §§ 23-3 og 23-4 om forvaltningsrevisjon og eigarskapskontroll.

Vedlagt er prosjektplan for arbeidet med risiko- og vesentelgvurdering, etter bestilling frå kontrollutvalet i sak 13/20. Prosjektplanen er utarbeida av kontrollutvalssekretariatet saman med Nordhordland Revisjon IKS (NHR).

Føremålet med risiko- og vesentlegvurdering er å identifisere aktuelle områder for forvaltningsrevisjon og for eigarskapskontroll. Det vert lagt opp til ein involverande prosess som inkluderer politisk og administrativt nivå, i tillegg til drøftingane i og innspela frå kontrollutvalet. Tidslinja vert tilpassa oppdatert møteplan for kontrollutvalet.

Framlegg til vedtak:

Kontrollutvalet godkjenner prosjektplanen slik den ligg føre.

Behandling i møte:

Sekretariatet og revisjonen gjennomgikk prosjektplanen og orienterte om bakgrunn og vidare prosess.

Samrøystes vedtak:

Kontrollutvalet godkjenner prosjektplanen slik den ligg føre.

24/20 Årsrapport skatteoppkrevjaren 2019

Saksvedlegg:

Årsrapport skatteoppkrevjaren 2019, Nordhordland kemnerkontor
Kontrollrapport 2019 vedkomande skatteoppkrevjaren for Modalen kommune, Skatteetaten

Saksopplysingar:

Nordhordland kemnerkontor er eit interkommunalt samarbeid mellom kommunane Lindås, Meland, Modalen, Osterøy og Radøy. Samarbeidet har vore etablert som vertskommunesamarbeid utan nemnd etter kommunelova § 20-1, der Lindås kommune har vore vertskomune. Frå 01.01.2020 er Lindås, Meland og Radøy slått saman, og kemnarens nærmaste overordna i Alver kommune er økonomisjefen.



Skatteoppkrevjarane skal utarbeide årsrapport i samsvar med retningslinjer gitt av Skattedirektoratet, jf. Skatteoppkreverinstruksen § 2-9 nr. 1. Årsrapporten skal omhandle korleis oppgåvene skatterekneskap, innkreving og arbeidsgiverkontroll er ivareteke ved skatteoppkrevjarkontoret.

Årsrapporten for 2019 gjeldt for kommunane Lindås, Meland, Modalen, Osterøy og Radøy. Det har i 2019 vore 7,5 årsverk som benyttes til skatteoppkrevjarfunksjonen, samt ca 0,3 årsverk til innkreving av kommunale krav. Ressurssituasjonen og kompetansenivået vert vurdert som tilfredsstillande.

Skatteoppkrevjaren bekrefter at skatterekneskapet for 2019 er ført, avstemt og avlagt i samsvar med gjeldande forskrifter og retningslinjer.

Det arbeidast kontinuerleg med innkreving av alle forfalte skatte- og avgiftskrav, og det blir gjort tiltak for å avbryte foreldelse av krav.

Nordhordland kemnerkontor gjennomfører arbeidsgiverkontroll for alle deltakerkommunane, og har i 2019 også gjennomført arbeidsgiverkontroller for kommunane Gulen, Vågsøy og Solund. Tal gjennomførte kontrollar i 2019 var 92.

Kemnerkontoret har i 2019 gjennomført fleire byggeplasskontrollar saman med Arbeidstilsynet.

Skatteetaten har kontrollmynde ovanfor skatteoppkrevjaren, og mottek årsrekneskapen og årsrapporten frå skatteoppkrevjaren.

Dette er siste året kontrollutvalet og kommunestyret vil motta kontrollrapporten for skatteoppkrevjinga i kommunen, grunna overføring av skatteoppkrevjarfunksjonen til Skatteetaten frå 1. juni 2020.

Framlegg til vedtak:

Kontrollutvalet tek årsrapporten for 2019 frå Nordhordland kemnerkontor og kontrollrapport 2019 frå Skatteetaten vedkomande skatteoppkrevjaren for Modalen kommune til orientering.

Behandling i møte:

Sekretariatet og rådmann orienterte kort om overføringa av skatteoppkrevjarfunksjonen til skatteetaten. Kommunen har vore fornøgd med organiseringa av skatteoppkrevjarfunksjonen slik den har vore.

Grunna unntakssituasjonen er overføringa av funksjonen utsett til hausten.



Samrøystes vedtak:

Kontrollutvalet tek årsrapporten for 2019 frå Nordhordland kemnerkontor og kontrollrapport 2019 frå Skatteetaten vedkomande skatteoppkrevjaren for Modalen kommune til orientering.

25/20 Medlemskap i Forum for Kontroll og Tilsyn (FKT)

Saksvedlegg:

Invitasjon til medlemsskap i FKT, vedtekter for FKT og infobrosjyre om FKT

Saksopplysingar:

Modalen kontrollutval har fått invitasjon til å bli medlem i Forum for Kontroll og Tilsyn (FKT). FKT er ein bransjeuavhengig organisasjon der kontrollutvala er direkte representert, og har som formål å vere ein møte- og kompetanseplass for menneske som arbeider med kontroll og tilsynsfunksjon i kommunar, Sametinget og fylkeskommunar. Styret i FKT er samansett med lik fordeling av politiske kontrollutvalsrepresentantar og sekretariat.

Modalen kommune fallar innunder årleg kontigentsats for kommunar med mellom 0 – 5 000 innbyggjarar, som for 2020 er kr 3 500.

Framlegg til vedtak:

Ingen framlegg til vedtak i denne saka.

Behandling i møte:

Kontrollutvalet drøfta årsmedlemsskap i Forum for Kontroll og Tilsyn (FKT)-

Samrøystes vedtak:

Kontrollutvalet vedtek å melde seg inn i Forum for Kontroll og Tilsyn (FKT).



26/20 Møteplan 2020 - Kontrollutvalet

Saksvedlegg:

Framlegg til oppdatert møteplan 2020

Saksopplysingar:

Kontrollutvalet har vedteke møteplan for 2020 med datoar for vårhalvåret. Møtet 25. mars vart avlyst grunna situasjonen og gjeldande tiltak for avgrensing av smittespreiing.

Framlegg til oppdatert møteplan for 2020 er vedlagt saka.

Framlegg til vedtak:

Kontrollutvalet vedtek oppdatert møteplan med følgjande møtedatoar for hausten 2020: 16. september og 11. november.

Behandling i møte:

Kontrollutvalet gjennomgikk framlegg til møteplan for 2020.

Samrøystes vedtak:

Kontrollutvalet vedtek oppdatert møteplan med følgjande møtedatoar for hausten 2020: 16. september og 11. november.

27/20 Gjennomgang av møteprotokollar frå politiske utval

Saksopplysingar:

Kontrollutvalet vert oppmoda til å følgje med på aktiviteten til dei politiske utvala i kommunen.

Frå sist møte i kontrollutvalet i februar, har dei fleste utvala hatt møter:

<https://innsyn.sing.no/modalen/innsyn/wfinnsyn.ashx?response=moteplan&>

Framlegg til vedtak:

Ingen framlegg til vedtak i denne saka.



Behandling i møte:

Kontrollutvalet hadde ingen merknader.

Samrøystes vedtak:

Kontrollutvalet hadde ingen merknader til gjennomgang av møteprotokollar frå politiske utval.

28/20 Eventuelt

Ingen saksopplysingar eller framlegg til vedtak i denne saka.

Behandling i møte:

Ingen merknader i møtet.

Samrøystes vedtak:

Ingen merknader under eventuelt.

Modalen, 20.05.2020

Tom Kristian Thorsen
Leiar i kontrollutvalet

Tonje Husum Aarland
Kontrollutvalssekretær

Dette dokumentet er elektronisk godkjent og har difor ingen signatur.